

慶雲縣志卷之末

雜志

軼事

唐太和二年滄州刺史李同捷拜兗海節度使矯言軍中留已命王智興出討凡七閱月破之進圍滄州文宗命金吾大將軍李祐代烏重允領滄州留後事智興將李君謀以輕兵絕河夜殘無棣與同捷連合明年祐拔無棣同捷乞降祐覺其詐斬之傳首京師

唐廣明元年無棣人洪霸郎為盜齊棣間平盧節度使

慶雲縣志

卷末

雜志

六

安師儒遣將王敬武擊平之

宋建隆二年無棣男子趙遇作亂稱帝太祖遣南陽節度使崔彥進會保順軍擊破之遇敗走

宋嘉定四年五月紅襖賊寇樂陵鹽山逼近無棣橫海軍節度使王福連擊敗之賊首張聚來寇又大敗之明正德六年流賊楊虎破城剽掠甚慘時山東按察司僉事許達守武定率兵追至板打營接戰賊兵大潰東走海岸進平之

舊聞

四庫全書簡目目錄曰姑溪居士前集五十卷後集二十卷六一之儀撰王明清揮塵後錄稱之儀尺牘最工然他作亦神鋒俊逸具蘇軾之一體軾嘗題其後有每逢佳處輒叅禪句註家謂諷其艱澁今觀其詩實無郊島鈞棘之態知爲附會其詞矣

蘇文忠公集載李伯時畫李端叔眞贊云鬚髮之拳然眉宇之淵然披胸腹之掀然以爲可得而見與則漠乎其無言以爲不可得而見與則已見畫於龍眠矣嗚呼將爲旣琢之玉以役其天平其將爲不雨之雲以抱其全乎抑將遊戲此世而時出於兩者之間也

慶雲縣志

卷末

雜志

六九

王明清揮塵後錄曰李端叔之儀趙郡人以才學聞於世弟之純亦以政事顯名爲中司八座終以老龍帥成都兄弟頡頏於元祐間端叔於尺牘尤工東坡先生稱之以爲得刀筆三昧東坡帥定武辟爲簽判以從朝夕酬唱賓主甚歡建中靖國初爲樞密院編修官曾文肅薦於祐陵擬賜出身擢右史成命未頒而爲御史錢適論列報罷去國之後暫泊潁昌值范忠宣公疾篤口授其指令作遺表上讀之悲愴之餘稱賞不已欲召用之

而蔡元長入相時事大變祐陵裂去御書世濟忠直之碑及降旨御書院書碑旨揮更不施行且興獄治遺表中語端叔坐心名編管太平州會赦復官因卜居當塗奉祠著書不復出仕自號姑溪老農有集六十卷

崔旭曰宋史作無棣人趙郡其祖籍也故自稱趙郡李之儀畿輔通志誤分爲二一入慶雲一入趙州之純之儀從兄此作弟非是

臣鑒錄曰李之純三任成都漕司仁民愛物尤留心掩骼埋胔小吏徐熙佐之甚力時有百姓王彬病入冥司

慶雲縣志

卷末

雜志

七

見宋紫數官奉廳而坐召熙曰適天符下李之純以葬枯骨有功與知成都府一任以汝主行文書有力賜汝一子及第元祐二年之純果加寶文閣直學士知成都徐熙子名適果登巍科

爲善陰隲錄曰李之純登進士專以埋胔爲念吏徐熙專爲宣力計其藏無慮萬計一日金華街王生死復甦云見冥官曰爾以誤追今當還人間陰司事雖禁洩露然爲善之效亦欲人知李之純葬骨有功與知成都府一任徐熙督役有勞與一子及第汝宜傳於世後皆如

其言

明鄒元標字爾瞻江西吉水人萬曆中進士歷官左都御史加太子太保犯顏敢諫羣邪側目被謫時寓天宮寺與寺僧壽平爲方外交會於殿壁題三教歸一說筆勢飛舞人皆慕而臨之其詞曰有謂佛曰也道月也儒星也此倒置而分言也詎知星法月月法日日法天夫道一而已矣分二可乎蓋道之大源出於天吾夫子固天縱之將聖則萬衆異數而同體矣故夫子自道曰予一以貫之

慶雲縣志

卷末

雜志

七

明天宮寺僧洪秀戒律精嚴兼工吟詠有句云蒲團靜坐千山月竹戶閒棲一片雲再傳弟子壽平貌奇異目如指指痕人稱小眼法師博覽釋典與都御史鄒元標爲方外交

冢墓

漏澤園附

古墓之在縣境者曰黃邱去城東五里前志云土阜累纍古貴戚之葬地曰高墓臺在縣南八里高阜隆起上有玉皇廟前志以爲吳季札長子墓元齊秉節墓碑云在延陵臺側卽此康熙中知縣蔣錫震碑曰古延陵臺

崔旭山古嬴博漢屬泰山郡今泰安府地水經注奉高縣北有吳季札子墓在汶水南曲中是也前志殆以瀛渤聲近嬴博誤爲傅會

後唐中書侍郎同平章事李愚墓縣西一里

元棗陽副萬戶侯齊秉節墓在延陵臺側明初有碑

明山西左布政使胡欽墓縣東南三十里

四川按察使副使張問之墓縣東南一里

慶府審理陳光大墓縣西一里

玉田訓導楊粹夫墓縣南二里

慶雲縣志

卷末

雜志

三

棗強教諭王巍墓縣南二里

國朝鞏昌府同知崔養重墓縣南一里

金華副將陳喜墓縣東二里

黃州府同知王定鼎墓縣東三里

潁州知州劉夢楫墓縣西二里

南陽鎮總兵陳廷桂墓縣北一里

潮州鎮總兵劉允桂墓縣東一里

甘州守備劉揮墓縣西二里

工部員外郎劉廣恕墓縣西二里

贈雲南糧道蒲縣知縣崔旭墓縣南一里
戶部郎中李楨幹墓縣南四十里

江南河道總督張井女弟一娘墓在東關外真武廟後
一娘在伯父元英知縣署年及笄未字卒旅墳瘞此後
張井碑曰亡妹一娘之墓

前志云無棣城側掩骼岡宋李之純築

漏澤園七官置者五一在城東一在黑牛王店一在海
子王家莊一在蔣家橋一在楊和尚寺其一在城南者
監生崔儲精置一在鬲津河南岸者縣學生崔璉置